

Das Aylffte Cap. Mit Welchem grad 30/
diaci ein hetlicher Planet an das mittl des
hymels trifft.

Wie wol dises Capittel nit notwer gewesen zu suchen die stund/
aber doch von der mißgünner wegen vnd irer nachrede / hab ich das nit wol-
len vnder wegen lassen / domit sie mirs nit in ainem vnuerstandt zümessen.
Ein Planet mag dermassen sein in dem Wider oder Wag / inn selher brayt
von der Ecliptica oder der Sonnen weg / das Er nit mit dem selbigen grad der leng an
den mittagheircikel trifft / darinn er in dem Almanach nach der leng gerechnet ist / sonder
mit dem 3 grad vor jm oder nach jm / als in disem Exempel: Wann ein Planet wär in
3 grad 32 in des Widers / vnnnd wär von der Ecliptica gegen Mitternacht 8. grad / so
treff Er das mittl des hymels mit den Ersten grad des Widers. Daraus kombt / das
der Planet bey ainer vierteyl stund ehe den mittagheircikel betrifft / ehe das sein grad dar-
inn Er ist (nach der Ecliptica zu rechnen) an das mittl des hymels kombt. Diesel-
bige irr zuermeyden hab ich auff allen Quadranten (allein in dem nicht / der gesetzt ist
auff Polus höch 47. 48. 49. grad) im vndern circelriß oder limbo gezogen 90. zwerch-
lini / die sindt ein wenig gebogen / der stet aine von der andern alle mal einen grad / sindt
alle nach der zwerch über den arcum G F (das ist Ecliptica) gezogen. Auch bey dem G
zu beden seyten siechst du 8. grad / seer klain außgetaylt / bedeüten grad der brayt der Pla-
neten. Als wen du wilt finden den grad der Ecliptic der mit ainem Planeten an den mit-
tags circel / ober oder vnder der Erden augenblicklich trifft / so der Planet in der Mitt-
nächlichen brayt 8. grad von der Ecliptic stehet / vnd nach der leng 19 grad v. Mit
dem vnd dergleichen thue also / leg den faden / der im Centro E. hanget / auff die lini E.
G / vnd ruck das Perlein am faden hangend auff den 8 grad vom E gegen dem eüßern
vmbschwayff: Es ist auch not zu mercken / so du nach der brayt eines Planeten eingeen
vnd die Perla recht rucken wilt / das du die brayt also nemen müst / wo du den Character
des zaychen findest / ist alle mal von der Ecliptica in der selbigen feldung Latitudo Sep-
tentrionalis / das ist mittnächliche brayt / als in disem Exempel. Dieweyl der Planet 8
grad hat in mittnächlicher brayt / vnnnd der Character stehet vnder der Ecliptica G F /
im eüßern tayl des vmbschwayffs / ist die selbig eüßere feldung die mittnächliche brayt be-
deüten desselben zaychens: Darumb zel ich 8 grad vom punct G gegen dem vmb-
schwayff / das ist mittnächliche brayt: darnach fuer ich den fadenynn das zaychen v /
also / ich zel in der Ecliptica F G den 9 grad v (ein hetliche weyt für ainen grad.) do
ist die stat des Planeten nach der leng: Von dem selben grad far ich zwüschen den zwerch
linien / in seiner brayt / als in disem Exempel / vom 19 grad v far ich gegen dem eüßern
becircel auff der zwerchlini / darauff leg ich die Perla mit dem faden (sie betrefft die lini wo
sie well) so zaygt der faden das medium coeli in der Ecliptica G F / das ist vngesährlich
der 15 grad des Widers / damit kommet der Planet an das mittl des hymels.

Das Zwelffte Cap. wie man die Stund
am Tag bey der Sonnen schein finden soll.

So du den grad darinn die Sonn ist den selben Tag / auß dem
Andern Capitel des Andern tayls gefunden hast / so such den selben grad in der
Planeten laytter (verstee im angesicht des Quadrantens) in der lini A. B /
das ist die Ecliptica / vnd leg darauff den faden / vnd das vnder Perlein ruck